



REPUBLIKA E SHQIPËRISË
ENTI RREGULLATOR I SEKTORIT TË FURNIZIMIT ME UJË DHE
LARGIMIT E PËRPUNIMIT TË UJËRAVE TË NDOTURA
KOMISIONI KOMBËTAR RREGULLATOR

VENDIM
Nr.120, datë 20.10.2020

PËR NJË NDRYSHIM NË VENDIMIN E KOMISIONIT KOMBËTAR RREGULLATOR
NR. 67 DATË 19.12.2019 “PËR LICENCIMIN E SHOQËRISË UJËSJELLËS
KANALIZIME FIER SH.A.”

Në mbështetje të nenit 13, 14, 15, 16 dhe 17 të ligjit nr. 8102 datë 28.03.1996 "*Për kuadrin rregullator të sektorit të furnizimit me ujë dhe largimit e përpunimit të ujërave të ndotura*", i ndryshuar (**Ligji nr. 8102**), VKM nr. 958, datë 06.05.2009 "*Për miratimin e kategorive të licencimit dhe të procedurave për aplikim për licence*" (**VKM nr.958**), si dhe vendimit të Komisionit Kombëtar Rregullator nr. 29 datë 08.12.2009 "*Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura*", e ndryshuar (**Rregullore e licencimit**),

Komisioni Kombëtar Rregullator,

në mbledhjen e datës 20.10.2020 pasi shqyrtoi çështjen me objekt: “Mbi miratimin e projekt vendimit për një ndryshim në vendimin e komisionit kombëtar rregullator nr. 67 datë 19.12.2019 “Për licencimin e shoqërisë Ujësajellës Kanalizime Fier sh.a.”,

Vëren se:

1. Shoqëria Ujësajellës Kanalizime Fier (**UK Fier**) me shkresat nr. 262 prot. datë 30.04.2020 me lëndë “Plotësim Dokumentacioni”, nr. 500 datë 09.07.2020 me lëndë “Plotësim Dokumentacioni” ka paraqitur pranë Entit Rregullator të Sektorit të Furnizimit me Ujë dhe Largimit e Përpunimit të Ujërave të Ndotura (**ERRU**), për zgjerimin e zonës së shërbimit, dy Akt Miratime Higjieno Sanitare, në të cilat përfshihen tre njësitë e tjera administrative Topojë, Dermenas dhe Libofsh, që kishin mbetur jashtë zonës së shërbimit të kësaj shoqërie.
2. Komisioni Kombëtar Rregullator (**KKRR**) e gjeti paraqitjen e kërkesës për licencim për shkak të zgjerimit të zonës së shërbimit të UK Fier në konformitet me kriteret dhe procedurën e parashikuar në VKM nr. 958 dhe Rregulloren e licencimit.

3. KKRR ka licencuar shoqërinë UK Fier me vendimin nr. 5, datë 03.02.2017 nr. 67 datë 19.12.2019 “Për licencimin e shoqërisë Ujësjellës Kanalizime Fier sh.a.” me një afat 4 vjeçar, ku shoqëria autorizohet të ofrojë shërbimin e grumbullimit dhe shpërndarjes së ujit për konsum publik, largimit dhe trajtimit të ujërave të ndotura dhe për zonën e shërbimit si më poshtë:

Bashkia Fier: Njësia Administrative Fier
Qendër
Portëz
Frakull
Cakran
Mbrostar
Levan

4. KKRR në vendimin nr. 67 datë 19.12.2019 “Për licencimin e shoqërisë Ujësjellës Kanalizime Fier sh.a.” i rekomandoi shoqërisë UK Fier që të punonte në drejtim të pajisjes së sistemeve të furnizimit me ujë të të gjithë zonës së shërbimit me akt miratim higjieno – sanitar;

Për gjithë sa më sipër Komisioni Kombëtar Rregullator, pasi arriti në përfundimin se kërkesa e UK Fier është e bazuar ligjërisht dhe plotëson kërkesat ligjore të parashikuara në kuadrin rregullator në fuqi,

VENDOSI:

Në pikën 3 të vendimit të KKRR nr. 67 datë 19.12.2019 “Për licencimin e shoqërisë Ujësjellës Kanalizime Fier sh.a.”, bëhen këto ndryshime:

Zona e shërbimit të shoqërisë Ujësjellës Kanalizime Fier sh.a është Bashkia Fier.

Ky vendim hyn në fuqi menjëherë.
Ky vendim publikohet në Fletoren Zyrtare.

KRYETAR
Ndriçim Shani



REPUBLIKA E SHQIPËRISË
ENTI RREGULLATOR I SEKTORIT TË FURNIZIMIT ME UJË DHE
LARGIMIT E PËRPUNIMIT TË UJËRAVE TË NDOTURA
KOMISIONI KOMBËTAR RREGULLATOR

VENDIM
Nr.67, datë 19.12.2019

PËR LICENCIMIN E SHOQËRISË UJËSJELLËS KANALIZIME FIER SH.A.

Në mbështetje të nenit 13, 14, 15, 16 dhe 17 të ligjit nr. 8102 datë 28.03.1996 "Për kuadrin rregullator të sektorit të furnizimit me ujë dhe largimit e përpunimit të ujërave të ndotura", i ndryshuar (**Ligji nr. 8102**), VKM nr. 958, datë 06.05.2009 "Për miratimin e kategorive të licencimit dhe të procedurave për aplikim për licence" (**VKM nr.958**), si dhe vendimit të Komisionit Kombëtar Rregullator nr. 29 datë 08.12.2009 "Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura", e ndryshuar (**Rregullore e licencimit**),

Komisioni Kombëtar Rregullator,

në mbledhjen e datës 19.12.2019 pasi shqyrtoi çështjen me objekt: "Mbi miratimin e projekt vendimit "Për licencimin e shoqërisë Ujësjiellës Kanalizime Fier sh.a.",

Vëren se:

1. Shoqëria Ujësjiellës Kanalizime Fier (**UK Fier**) me shkresat me shkresat nr. 122 prot. datë 31.01.2018 me lëndë "Kërkesë për licencim", nr. 576 datë 19.09.2019 me lëndë " Mbi plotësim dokumentacioni" nr. 584 prot. datë 23.09.2019 me lëndë "Plotësim dokumentacioni", nr. 663 datë 23.10.2019 me lëndë "Mbi plotësim dokumentacioni", nr. 768 datë 12.12.2019 me lëndë "Plotësim dokumentacioni" ka paraqitur pranë Entit Rregullator të Sektorit të Furnizimit me Ujë dhe Largimit e Përpunimit të Ujërave të Ndotura (**ERRU**) kërkesën për licencim për shkak të mbarimit të afatit.
2. Komisioni Kombëtar Rregullator (**KKRR**) e gjeti paraqitjen e kërkesës për licencim për shkak të mbarimit të afatit të UK Fier në konformitet me kriteret dhe procedurën e parashikuar në VKM nr. 958 dhe Rregulloren e licencimit.
3. Referuar kërkesës dhe dokumentacionit shoqërues, rezulton:
 - a) Shoqëria UK Fier ofron shërbimin e furnizimit me ujë dhe largimin e ujërave të ndotura për 154 667 banorë të Bashkisë Fier.
 - b) Shoqëria UK Fier mbulon me Akt – Miratim Higjieno Sanitar 85% të popullsisë së shërbyer.

Drejtuesi teknik i shoqërisë z. Vasil Marko me diplomë në Inxhinieri Mekanike, viti 1994.

4. ERRU në vlerësimin e kërkesës për licencim për shkak të mbarimit të afatit ka marrë në konsideratë përmbushjen nga ana e UK Fier, të:

- a) Kërkesave të ligjit nr. 8102 si dhe kuadrit rregullator në fuqi, në mënyrë të veçantë plotësimin e kushteve si aftësi tekniko-profesionale, aftësi financiare të nevojshme për të përmbushur funksionet dhe për të plotësuar kushtet e licencës, përvojën në sektorin e ujësjellësve dhe kanalizimeve të mjaftueshme për të marrë përsipër detyrimet që ka licenca, si dhe mbrojtjen e interesave të konsumatorëve në lidhje me cilësinë, efikasitetin, vazhdueshmërinë dhe garancinë e shërbimit;
- b) Kërkesave të ligjit nr. 9121, datë 28.7.2003 “Për mbrojtjen e Konkurrencës” të ndryshuar, (**ligji nr. 9121**) për mos lejimin e abuzimit me pozitën dominuese në treg të ndërmarrjes veçanërisht në lidhje me kufizimin e tregjeve;

5. ERRU, në bazë të vlerësimit dhe verifikimeve të kërkesës së shoqërisë UK Fier rekomandon:

- Shoqëria UK Fier duhet të punojë në drejtim të pajisjes së sistemeve të furnizimit me ujë me akt miratime higjieno - sanitare për të gjithë zonën e shërbimit.

Për gjithë sa më sipër Komisioni Kombëtar Rregullator, pasi arriti në përfundimin se kërkesa e UK Fier është e bazuar ligjërisht dhe plotëson kërkesat ligjore të parashikuara në kuadrin rregullator në fuqi,

VENDOSI:

1. Licencimin e shoqërisë Ujësjellës Kanalizime Fier sh.a me NUIS J63423411D në kategoritë:
 - a) Kategoria A - Për grumbullimin dhe shpërndarjen e ujit për konsum publik
 - b) Kategoria C - Për largimin e ujërave të ndotura
2. Shoqëria Ujësjellës Kanalizime Fier sh.a autorizohet të kryejë veprimtaritë e licencuara me:
 - a) Drejtues Ligjor – Piro Ndreu
 - b) Drejtues Teknik – Vasil Marko
3. Zona e shërbimit të shoqërisë Ujësjellës Kanalizime Fier sh.a është

Bashkia Fier: Njësia Administrative Fier
Qendër
Portëz
Frakull
Cakran
Mbrostar
Levan

4. Kjo licencë është e vlefshme për një periudhë 4 vjeçare.

5. Drejtuesi ligjor i shoqërisë Ujësjetllës Kanalizime Fier sh.a detyrohet të nënshkruajë Kushtet e Licencës brenda 10 ditëve nga data e njoftimit.
6. Ngarkohet Drejtoria Tekniko Ekonomike të njoftojë shoqërinë Ujësjetllës Kanalizime Fier sh.a për marrjen e këtij vendimi.

Ky vendim hyn në fuqi menjëherë.
Ky vendim publikohet në Fletoren Zyrtare.

K R Y E T A R I

Ndriçim SHANI



REPUBLIKA E SHQIPËRISË
ENTI RREGULLATOR I SEKTORIT TË FURNIZIMIT ME UJË DHE
LARGIMIT E PËRPUNIMIT TË UJËRAVE TË NDOTURA
KOMISIONI KOMBËTAR RREGULLATOR

VENDIM
Nr.103, datë 28.02.2022

PËR
NJË NDRYSHIM NË VENDIMIN E KOMISIONIT KOMBËTAR RREGULLATOR
Nr. 67, datë 19.12.2019 “PËR LICENCIMIN E SH. A UJËSJELLËS KANALIZIME FIER”

Në mbështetje të nenit 13, 14, 16 dhe 17 të ligjit nr. 8102 datë 28.03.1996 "Për kuadrin rregullator të sektorit të furnizimit me ujë dhe largimit e përpunimit të ujërave të ndotura", i ndryshuar (**Ligji nr. 8102**), VKM nr. 958, datë 06.05.2009 “Për miratimin e kategorive të licencimit dhe të procedurave për aplikim për licencë” (**VKM nr. 958**), si dhe vendimit të Komisionit Kombëtar Rregullator nr. 29, datë 08.12.2009 "Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura", e ndryshuar (**Rregullore e licencimit**),

Komisioni Kombëtar Rregullator,

në mbledhjen e datës 28.02.2022 pasi shqyrtoi çështjen me objekt: “Mbi miratimin e vendimit “Për një ndryshim në vendimin e Komisionit Kombëtar Nr. 67, datë 19.12.2019 “Për licencimin e sh. a Ujësjellës Kanalizime Fier”

Vëren se:

1. Shoqëria Ujësjellës Kanalizime Fier (**UK Fier**) me shkresën nr. 116 prot., datë 26.01.2022, me lëndë “Shkresë përcjellëse” ka paraqitur pranë Entit Rregullator të Sektorit të Furnizimit me Ujë dhe Largimit e Përpunimit të Ujërave të Ndotura (**ERRU**) kërkesën për rinovim të licencës për efekt të ndryshimit të drejtuesin ligjor të shoqëruar me dokumentacionin sipas përcaktimeve të parashikuara në VKM nr. 958 dhe Rregullores së Licencimit.
2. Komisioni Kombëtar Rregullator (**KKRR**) e gjeti paraqitjen e kërkesës së UK Fier për rinovim licence për efekt të ndryshimit të drejtuesit ligjor në konformitet me kriteret dhe procedurën e parashikuar në VKM nr. 958 dhe Rregulloren e Licencimit.

3. KKRR ka licencuar shoqërinë UK Fier me vendimin Nr. 67, datë 19.12.2019 “ Për licencimin e sh. a Ujësjellës Kanalizime Fier, me një afat 4 vjeçar, ku shoqëria autorizohet të ofrojë shërbimin e grumbullimit dhe shpërndarjes së ujit për konsum publik, largimit dhe trajtimit të ujërave të ndotura.
4. Drejtuesi ligjor i shoqërisë UK Fier sh.a. z. Petrit Kanani, ka përfunduar studimet e larta në Juridik në vitin 2013.
5. ERRU në vlerësimin e kërkesës për ndryshimin e licencës për efekt të ndryshimit të drejtuesit ligjor ka marrë në konsideratë përmbushjen nga ana e UK Fier sh.a të kërkesave të ligjit nr. 8102, të VKM nr. 958 dhe Rregullores së Licencimit, në mënyrë të veçantë sa i takon garantimit që i licencuari të veprojë në përputhje me kushtet e licencës së tij dhe të mbrojë interesat e konsumatorëve në lidhje me cilësinë, eficientë, vazhdueshmërinë dhe garancinë e shërbimit.

Për gjithë sa më sipër Komisioni Kombëtar Rregullator, pasi arriti në përfundimin se aplikimi i UK Fier është i bazuar ligjërisht dhe plotëson kërkesat ligjore të parashikuara në kuadrin rregullator në fuqi,

VENDOSI:

1. Në pikën 1 të vendimit të KKRR nr. Nr. 67, datë 19.12.2019 “Për licencimin e sh. a Ujësjellës Kanalizime Fier ” bëhen këto ndryshime:

“Drejtues Ligjor z. Petrit Kanani”

Ky vendim hyn në fuqi menjëherë.
Ky vendim publikohet në Fletoren Zyrtare.

KRYETAR
Ndriçim Shani